



繆思風采

## 讀《史記·豫讓刺趙襄子》有感七絕

● 張垣鐸\*

酬償智伯寵尊恩，  
吞炭漆身塗廁人。  
襄子喟然感大義，  
成全豫讓孤臣心。①

箋注：

①〈豫讓刺趙襄子〉一文，選自《史記·刺客列傳》。豫讓，春秋時代晉國人。他起先事奉范氏與中行氏，不受重視；轉而臣事智伯，智伯以國士之禮尊重寵幸他。後來，趙襄子聯合韓、魏，消滅殺死智伯，豫讓逃到山中，便想方設法要替智伯報仇，以便報答智伯對他的知遇之恩。他假扮成犯罪受刑的奴隸，進入趙襄子的宮中，粉刷廁所的牆壁，身上帶著匕首，準備伺機刺殺趙襄子，卻被識破。趙襄子認為豫讓是個有義氣的人，把他放走。不久，豫讓又漆身吞炭，毀損容貌，使別人辨認不出自己，埋伏橋下，想要刺殺即將從橋上經過的趙襄子，可偏偏又被趙襄子識破。趙襄子責問豫讓為甚麼三番二次要刺殺自己，執意替智伯報仇？豫讓告訴趙襄子，智伯以國士之禮尊寵禮遇自己，所以自己也必須以國士的禮節來報答智伯，替他報仇效死。趙襄子聽了，十分感佩豫讓的忠耿義行，但為了避免夜長夢多，打算處死豫讓，以絕後患。豫讓自知難逃一死，誠懇地請求趙襄子脫下衣服，讓自己用劍刺擊它，聊且表示替智伯報仇的一點心意；如此，縱然被趙襄子處死，也毫不怨恨。趙襄子對豫讓的忠貞大義非常感動，於是派人送自己的衣服給豫讓，成全豫讓替智伯報仇的心願。豫讓完成心願後，當下伏劍自殺。趙國的志士聽到這個消息後，都感動得痛哭流涕。

\* 張垣鐸，南台科技大學通識教育中心人文藝術組講師。



司馬遷《史記·刺客列傳》寫道：「豫讓者，晉人也，故嘗事范氏及中行氏，而無所知名。去而事智伯，智伯甚尊寵之。及智伯伐趙襄子，趙襄子與韓、魏合謀滅智伯，滅智伯之後而三分其地。趙襄子最怨智伯，漆其頭以為飲器。豫讓遁逃山中，曰：『嗟乎！士為知己者死，女為悅己者容。今智伯知我，我必為報讎而死，以報智伯，則吾魂魄不愧矣。』乃變名姓為刑人，入宮塗廁，中挾匕首，欲以刺襄子。襄子如廁，心動，執問塗廁之刑人，則豫讓，內持刀兵，曰：『欲為智伯報仇！』左右欲誅之。襄子曰：『彼義人也，吾謹避之耳。且智伯亡無後，而其臣欲為報仇，此天下之賢人也。』卒釋去之。

居頃之，豫讓又漆身為厲，吞炭為啞，使形狀不可知，行乞於市，其妻不識也。行見其友，其友識之，曰：『汝非豫讓邪？』曰：『我是也。』其友為泣曰：『以子之才，委質而臣事襄子，襄子必近幸子。近幸子，乃為所欲，顧不易邪？何乃殘身苦形，欲以求報襄子，不亦難乎！』豫讓曰：『既已委質臣事人，而求殺之，是懷二心以事其君也。且吾所為者極難耳！然所以為此者，將以愧天下後世之為人臣懷二心以事其君者也。』

既去，頃之，襄子當出，豫讓伏於所當過之橋下。襄子至橋，馬驚。襄子曰：『此必是豫讓也。』使人問之，果豫讓也。於是襄子乃數豫讓曰：『子不嘗事范、中行氏乎？智伯盡滅之，而子不為報讎，而反委質臣於智伯。智伯亦已死矣，而子獨何以為之報讎之深也？』豫讓曰：『臣事范、中行氏，范、中行氏皆眾人遇我，我故眾人報之。至於智伯，國士遇我，我故國士報之。』襄子喟然歎息而泣曰：『嗟乎，豫子！子之為智伯，名既成矣，而寡人赦子，亦已足矣。子其自為計，寡人不復釋子！』使兵圍之。

豫讓曰：『臣聞明主不掩人之美，而忠臣有死名之義。前君已寬赦臣，天下莫不稱君之賢。今日之事，臣固伏誅，然願請君之衣而擊之焉，以致報讎之意，則雖死不恨。非所敢望也，敢布腹心！』於是襄子大義之，乃使使持衣與豫讓。豫讓拔劍三躍而擊之，曰：『吾可以下報智伯矣！』遂伏劍自殺。死之日，趙國志士聞之，皆為涕泣。」

